



Danny Koolman Rey di tumba 2005 - "E Piscado"

Danny ta conta nos su trayectoria como tumbero:

Cu mi 13 aña mi a cuminsa toca y canta den banda. Na aña 1997 mi a bai participa pa prome biaha den "Tumba Contest" mi a tuma un recesso y na aña 2000 mi a cuminsa bek, e biaha ei mi a sali na di 10 lugá, su siguiente aña mi a sali na di 7 lugá, despues mi a bai cu e tercer lugá y na aña 2003 mi a bai cu e titulo maximo, na aña 2004 mi a sali na di 6 lugá y 2005 mi a sa di gana e corona un biaha mas cu e tumba "E PISCADO".

Con bo a yega na e tumba aki?

Dor cu mi ta toca na Marriot tur atardi hunto cu Robert y Papito, un dia mi tabata tira bista riba e bahada di solo y un boto di piscado a pasa net ora ei y e idea a drenta den mi cabes pa traha e tumba, mi a papia di biaha cu Papito y Erwin Regina cu a sinta hunto y nos a

hinca e tumba den otro, e areglita a bira e ora ei Robert Je'andor y e compositor-nan ta Erwin Regina, Papito y mi persona.

E fantasia di e tumba "E PISCADO" ta bisa bo un carnival bao di awa.

E carnival tabata hopi dushi, pero ta di remarca e comportacion di e hubentud banda di caminda a laga hopi di desea, e consumo di alcohol tabata hopi pa nos cu tabata den e parada y cu por a mira tur cos, esaki tabata algo bisto y a la bes tristo, di mira e futuro generacion di Aruba.

Awo cu carnival ta tras di lomba y nos ta drentado un temporada di campamento mi conseho ta: Pa menos uso di alcohol y nada di droga y pa e hubentud sigui semper e conseho di nan mayornan y pa tur hende corda semper riba Dios.



Dariën Solange Kastaneer Reina di Tumba 2005 - "Bai Pe"

bini for di un famia hopi musical, cuminsando for di mi difunto welo cu a forma e banda "Super Combo Kastaneer, Porcierto mi omo Erwin Kastaneer tambe ta un Rey di Tumba di Curaçao na aña '72.

Cu mi 14 aña mi a participa pa prome biaha den un song festival y mi a sali ganador cu "Jolly Trolly Bus", na aña 2002 ganador na Exide Song festival, na 2003 Hubentud pa Hubentud mi a sali ganador y na 2003 Soni Pride, tambe mi a gana.

Durante e participacion di tur e song festival mi a canta cu e banda "Strak", despues na aña 2003 mi a saca un single hunto cu e D.J. di top 95 "Jerry Jo" cu jama "Baby" cu tabata un hit grandi na diferente emisoranan.

Na aña 2004 mi a wordo aserca dor di Dimitri Frans pa canta den e banda "MEGA", temporada di carnival a yega

y nan a pidimi pa bai competi den e festival di Tumba cu e cancion "Bai pe", composita y aregla pa Dimitri Frans y danki Dios mi a bai cu e titulo maximo "Reina di Tumba 2005".

Mi kier mnanda un danki grandi na tur e personanan cu a judami den e temporada di carnival 51. Un sunchi y abraso grandi pa tur.

Temporada di carnival a pasa y nos ta drentando temporada di campamento, un mensahe pa e hobenan ta;

Hobenan disfruta di e temporada aki sanamente y preveni decisionan cu bo curason y mente ta bisa no, pa bo no lamenta mañan. Bo bida ta largo y dushi.

Danki Dariën.



Ken ta Dariën Kastaneer?

Mi ta un joven di 17 aña, naci 14 di October '87 y e menor di cuatro ruman, actualmente mi ta bisitando "Commandant General Abr. De Veer Scol" den 4o klas.

Conta nos un tiki di bo trayectoria?
Semper mi ta gusta baila y canta, mi ta